

ГЛАС


ЦЕНИ ЗА ИНОЖЕМСТВО:

Немецка 0.897 ДЕМ	Маурициус
З А Д 1.25 УСД	2 Людски глави
Швајцарска 2.57 ЦХФ	Босна 1кг кафи
Англия 1.00 ГБН	
Австрия 20.00 АТС	
Греческа 230 ГРД	
Византия 6 Златниќи	

РЕКТУМА

• ВИХОДЗИ КЕДИ ЈАК • 01.01.1996. Число 1 • Р.КЕРЕСТУР •
Цена задармо

НОВИНИ ЗА ШИЦКИ ГЕНЕРАЦИИЌЕ: ОД ГЕВТИХ ЦО ШЕ ИШЕ.НЕ РОДЗЕЛИ,
ТА ПО ГЕВТИХ ЦО УЖ ДАВНО ПОУМЕРАЛИ



И Н Т Р О

ВИТАЙЦЕ !!! Пред вами ше находз перше число "ГЛАСА РЕКТУМА", перших и единих ундергроунд новинок не лем у Руским Керестуре, але и на Руским язике вообще. То вам нагода же би сце прочитали прави и сучасни Руски гумор котри вам можебудз будзе аж и шмишни /за розлику од гумора у Руским Слове, або ТВ Магазину од котрого ше мне обрацаю черева а верим и вам и котри застарели, досадни и не духовири/.

ТЕХНІЧНИ ПОДАТКИ: Новини полни друкарских гришкох котри мож вивесц у трох фурикох/кед станю шицки/, а резултат су супераматерскей роботи Мирка Хорняка. Новини зоз рижних паперикох поскладад ОЛЕГ КОЛБАС познати як КОЛБИ. Тото цо вон наскладад, видруковал Вам ХОРНЯК МИРКО-КОЛЕ. То значи же КОЛБАСОВ и ХОРНЯКОВ твоя редакцию "ГЛАСА РЕКТУМА". Нашо фахово сотрудники то насампредз, ЛАРИСА и МЕДО у обласці стрипа, а тиж так и дописніки зоз Нового Саду ВИНКО, КОЛБИ СЕНИОР и ДЖОНИ. Слика тє. дизайн поробел ХОРНЯК ЯНКО познати як НИСА. Хаснуеме тоту нагоду же би зме ше им шицким на громаду задзекovali. Тираж новинок будзе даяки 9 прикладніки прикладніки, не рахуюци пирати, а цена популярна тє. задармо. Под каждим текстом написани и иницијали або полне мено автора. О.К. вам не значи "у шоре", але ОЛЕГ КОЛБАС док Х.М. то не ошмих але **ХОРНЯК МИРКО**

СПЕЦИЈАЛ ТХАНКС

Такој после насловного боку маме задовольство, чесц, але и моралну обовязку задзековац ше нашим спонзором котри помогли виход "ГЛАСА РЕКТУМА":

ВИНАТ СЛАВКО-ВИНКО НАМ ДАД МАШИНУ ЗА ДРУКОВАЊЕ

МЕДЕНИ ЮЛИЈАН НАМ ФОТОКОПИРАЛ ШИЦКИ ПРИКЛАДНІКИ

ВАРГА ИГОР НАМ ДАД ПАПЕРИ ЗА ДРУКОВАЊЕ ШИЦКИХ ПРИКЛАДНІКОХ

Скорей як закончимо, най ше ише задзекуеме БОРИСОВИ ПРОВЧИЙОВОМУ за дні, мешаца и роки на нашим календару, а ИВАНОВИ ПЕТКОВИЧОВИ зоз Смедеревскей Паланки/озбиљно/ за говљу зоз календара. Не було би шор не задзековац КОЛЕ-ЙОВИ же здумал таки красни календар, а и КОЛБИ-ЙОВИ за мено новинок.


FUCK OFF

Зоз тим прекрасним виразом ше сцеме задзековац шицким тим цо нас сперали у наших планах, плювали по нас през "РУСКЕ СЛОВО" и ТВ МАГАЗИН, шицким котри заслужни за неотримрване КЕРЕСТУРИЈАДИ 1995. и заверанє музичней секцијі, препаднутим и препитим визначним Руским писателюм и културним работніком котри својо носи и рици гураю там дзе им не место. Мена им не спомнеме бо то вони найменей не заслужели, а наконцу, вони маю својо новини та най ше там споминаю и любя медзисобно. 10 шорики "ГЛАСА РЕКТУМА" пошвецене им то превельо.

ЗОЗ ПОЛИТИЧНОГО ЖИВОТА ВАЛАЛУ

Вчера секретар Месней Заснїци Яни Коке приял делегацію Французкей владї у котрей були Алан Прост, Ерик Кантона и генерал Жан Жак Морж Жил. За гощох зоз Французкей бул порижтани и святочни котлїк у ремесельнїцким доме хтори уварел учитель Семан. Госци нашивели Стари Теметов, єдну парцелу на Билей / ДЕРЖАВКА / и Данчову Долїну. Потим Французка делегація положела венец на малу фігуру жени зоз дзецком котра ше находзи на Рускокерестурскей фонтани. У розгварцки Яника Кокея и Французкей делегації не визначене ніч мудре. Беше доввало ше о фодбалу, женох, хто якї ма хоби итд. На концу Французка делегація визначела же зоз Руского Керестура ноши до Французкей красни упечатки. Председатель делегації наывел реванш за гевти езер марки котри му наш секретар вжал на покеру.

О.К.



Святочни котлїк у ремесельнїцким доме

ЗОЗ ШВЕТА

Вчера ше у Нью Йорку Стретли Керестурски министер за гадово яблунка Осиф Папандриш и председатель владї у еґзилу *LIBERTY NICEFUCK* у приятельскей и конструктивней розгварки двома визначни политичаре дали предклад Контакт Групи же би зложела комисию котра би контроловала грубину цестох за рейтеши у Шри Ланки и бувших Советских Прибалтичних Републикох.

Х.М.

Е П П

ГОЧ ВАМ САМЕЛИЯ ОСТАНЕ ГОЛА И БОСА
КУПЦЕ НАШ АВТОМАТСКИ ДЛОБАЧ ДО НОСА
Х.М.

ШИЦКО ДРУКОВАЦ БУДЗЕМЕУ
АЛЕ КОЛБИМОВО ПИСНІ НЕСЦЕМЕ
Друкарня " Руске Слово "
О.К.

У далекій Уганді тамтешні Руснаци и жителе Уганди основали дружтво Угандско-Руского товариштва. Циль того дружтва зблизованє двох народох и черанє маркох, салветкох, значкох, салветкох, нохцох, сушинкох и других плодох людскей мрії и глупости.

О.К.

Америцки науковци видумали нову методу укладаня дзецох до посцелки. Науковци на университету Сиверна Каролина после длугих експериментох утвердзели же кед ше дзецко котре ма 2-5 роки уложи до посцелки, же то найлєпше обложит зоз мишайїну ящурковой шлїжинки и вицадзеной швиньскей балєги. Тота змишанїна дзецко зашпуре и дава му глїбоки и мирни сон. Значиє Родичи, баби и дїдове, не будзеце вецей мушиц читац книжки о другей шветовой войни, о лагрох, нуклеарних войнох и други гадосци. Науковци ше постарали за сон вашого милого чада.

О.К.

Е П П

КЕД ВАС ПРЕГАНЯ ОД КАШАМОВЕИ ПАШТЕТИ И САЛАМИ,
ПОСЦЕРРАЙЦЕ РИЦ З НАШИМА НОВИНАМИ
Редакция часописа "Руске Слово"

О.Ко

УСПИШНО ЗАГЛУПЮЄ
И СТАРШИИ И ДЗЕНИ
НАЙНОВШИ АЛБУМ ЦЕЦИ

Х.М.



ЯВЯ: ДЕзинформацияна Локална Телеграфска Агенция
"ЧАРНА ХРОНИКА"

РУСКИ КЕРЕСТУР ЦИТУ, 30.12.1995.
ЦИА, ФБИ, КГБ, ИНТЕРПОЛ и оддзелне за организовани криминал и кривни делюкти ише вше не вошли до шлїду вандалови або Групи терористох котри дня 29.10.1995. року вивалєли дзвери у ПК "ПЕРШИ МАЙ" ООЗР "АБЦ"-фабрика змаранутей желєняви Руски Керестур. Установена и огромна материална чкода од 6,07 дин, пре котру будзе пожитиц виплацованє сезонских роботнїкох. Вигледованє у цеку. Х.М.

Р.К.Ц. КОСЦЕЛЇСКО, 31.12.1995
У Керестурским кварту Косцелїско пренайдзени мертви Яков Ежденци /52/ зоз єдну, але вредну чауру зоз піштоля "ВЕРЕТА", калїбра 9мм медзи очми. На піштолю найдзени оциски Якововой правой руки, а у кишени одпитуєце писмо и тестамент. Републичне Министерство Нукашнїх Дїлох ше намага пренайсц забойнїка Якова Ежденция. Вигледованє у цеку. Х.М.

РУСКИ КЕРЕСТУР ЦИТУ, ЦИГЛАШОР, 30.11.1995.

Єдна особа збунєта, а два прєстрашени на мертво и назад, кед ше пит-бул /а можебуц и небул/ терїєр Алоїзис вимкнул контроли своїому газдови Владимирови Масакровому /19/, и нападнул на три дзивчата котри ше ту случайно нашли полї вауци /то би требало буц ведно, Коле, дебилееее!!!/ сусєдову Дурчову жижу зоз бензином и паляци исту. Анї швидкосц локалней полицїї котра ише не сцїгла на место нєщєсца не могла помогнуц бидному псови у неровноправней борби зоз трихинозю. Вигледованє у цеку. Х.М.

Е П П
ЗА ЛЄГЧЕШИИ ПОРОД ВАШЕИ ЖЕНИ
КУПЦЕ МОТОРНИ ПИЛИ ПУЛЬКАШ МАГДАЛЕНИ

О.К.

БЕЗПЛАТНЕ-ЧУВАНЄ ВАШИХ ОБЦОХ
ЗДРУЖЕНЄ МЛАДИХ ДИЗЕЛОВОЦОХ

Х.М.

ЗА "ГЛАС РЕКТУМА", СПЕЦІАЛЬНИ РЕПОРТЕРЕ:
ЯРОСЛАВ КОЛБАС-КОЛВИ/СЕНИОР/ И БОДЯНЦІ ІГОР-ДЖОНИ

Нови Сад, 12.11.1995. 9:53:47 Недзеля вечар

Уж давно ше у МАТКИ приповеда о прменки ей мена. Зоз проверених информацийох, хтори зме чули од касирки клозету, хтора председатель комисії за прменку мена, же ше хвильково розправя о слідующих менах: Квеце любви, Ластовички з югу, Видавени пиршки, Гравидни брамух № 504 - дядя, Помити парток, Данчо ИБМ, Фармер Експорт-Импорт. Найвецей гласи достали: ДАНЧО ИБМ /4/ !!! Он еден зоз звичайних до наторох нашого дружтва. Медзитим, почим на сжадзки вибили немири, хасноване видлох, плугох, дерлячок, тансрачок, кольчкох, килашок, сжадка була претаргнута дзе вигинуло 137 особи, чежко покалічени 2 особи, док една звока смертельней опасносци/зодарти жуль/. Данчо ИБМ /Искра Блуес Мемору/ достал вредну награду: Зольніцу марки ТОШИБА.

Нови Сад, 26.11.1995. Цаффе бар "ПУШКИН"

Новосадски университет змесцени на 19,51 ступню ВГД. Збудовани е на месце дзе фундаменти дакедишнього концентраційного лагру "ВАИ-КИКИ ТРОПИКАЛ". Лагер розполагал зоз 3000 посцелями, прекраснима високоволтовима плочиками и гаснима купаями /КУПЕЛЯМИ/. Тот обект мал сучасни кухні дзе дзелели едномешачни оброки. Под час функционованя того обекту зменене 1536,385 директоре, котри вихасновани за едномешачни оброки. На будинок вельо впливовали конквистадоре и цу дзи екстремисти котри звалели тот будинок до фундаментах. Сучасни Нови Сад огромни мегаполис зоз 6500 жителями скапчанизоз Кисачом, Уагадугом, Габорнеом. Медзитим, скупштина у остатні час зашеда зоз цильом урбанизації вароша Тируванактапурум и Меку. Нови Сад ма сучасну канализацию дзе находзиме туристични и угосцителтски обекти. Индустрія унапрямена до продукції циркельох, цигар-паперичкох и поньвох, док польопривреда розполага зоз продукцію отруби, концентрату за препилки и гибридных таргоньох. Универзитет розполага з сучаснима кармиками кармиками рижних наукових обласцох. Исную слідуючи подкармики:

ПОЛЬОПРИВРЕДА: Герчкарство, пергачкарство, пипинярство, буячкарство, товене патканьох на рижни способи, гибридикация дзиво цирку.

ИСТОРИЯ: Шмерц фамелиї Поднасцик, Препасц Косанчичкого Царства, розвой ситуациї у 1/2 шветовой войны, Керестуризам и рококо, Леонардо Дрота-живот и діло, Яков Гуздер процив Александра Македонского, велькошорски войны, десант на курти шор 2017

ГЕОГРАФИЯ: Географске ушорене каналскей улічки, релеф вепровацкей драги, демографска експлозия Лалитю, клима на косцеліску, гидрография керестурских злівох, флора и фауна Надьмишковой загради.

ЕЛЕКТРОТЕХНІКА: Шпоргет ГТИ-2000-Турбо, уцицовач корал 55, микрогабови пец ГСМТШ-2535-ЛЮТ-ЗА, СИМЕНС крупара, кальов пец-Трансформерс, руски пец ТДК, видео-рекордер на вигриски...

МЕДИЦИНА: Трансплатация спуканих петох, черанка новей креви за стару, цацзене жульох, спухнути червени кревово заренка/розвой и живот/ преширйоване нрсових дзиркох, дефектни кравски вимня

ЯРОСЛАВ АНД ІГОР

ЕПП

МЕСТО "ВИТАЙЦЕ" НА КАСИ ВАМ ГВАРИ
НЕ МАМ ЦИ ВИДАЦ 50 ПАРИ !!!
Дискотека "АМАДЕУС 2"

Х.М.

СПАДЛИ СЦЕ ДО НЕРВНОГО РОЗСТРОЙСТВА
НАВОЛАЙЦЕ НАС, АГЕНЦИЈА ЗА САМОЗАБОЙСТВА

Х.М.

Post scriptum:

Кед же вам дахто гварел
же дольні прави угел 7
боку першого, а за тераз
и остатнього "ГЛАСА РЕК-
ТУМА" остане празни, сци-
ганел Вам !!!

Х.Мм

Н А В А Ш О П И Т А Н Я О Д В И Т И Д А В А :

Д Р 7 М А Р Т И Н Ш И Ш А Р К А

Мартин Шишарка познати доктор у цалей Европи. Дохторирал на универзитету у Малим Идьошу зоз тему "СУЧАСНИ ХОРОТИ НА ПЕТИ". Миє и роби у Чуругу. Мартин Шишарка од того числа, па на далей будзе одвитовац на **вашо** питаня зоз обласци медицини, а богами, и психологийі.

А Д Р Е С А Р Е Д А К Ц И Ј И :

Петра Ризнича 2
лебо
Сопки Йовгена 42
25233 РУСКИ КЕРЕСТУР ЦИТУ

Дороги докторе, мам еден вельки проблем: Мам 18 роки, а часто ше самозадоволюєм. Не знам чи то хорота, чи нормалне зявене ?

ШИФРА: КРЕДЕНЦ

Самозадовољоване то нормалне зявене, гоч то робиц часто не здраве. Найлепше би було же би сце себе уварели чай од старих новинок и сличкох "МЕКСИКО '86", та ше **вашо** самозадовољоване зведзе на минималну миру.

Уж 10 роки опадую ми власи. Пробовал сом рижни препарати, але ніч не помага.

ШИФРА: НАИВЧИНА

Почитована наивчино, за вас ришене то гузбанак Одрецце одредзене количество гузбанку и аранжирайце го на места дзе не маце власи.

✓ Мам 19 роки и ровни талпи и плацу 165 дин. Як най виправим тот недостаток ?

ШИФРА: ШИФРА

Положце 2 цегли у горизонталним положеню под високу тополю, так же би им розмак бул ширина ваших ногох. Потим ше випендрайце на верх тополі, и скочце так же бисце потрафели цегли. Поробце то боси. После вам талпи буду правилни.

О.К.

Колеопатра

БЕГЕЛЬСКА ПРОРОЧИЦА, ПАТРАЧКА ДО ВАШИХ ДЛАНЬОХ, БУТЕЛАРОХ И КУПАТИЛОХ ОДВИТУЄ НА ВАШО ПИТАНЯ:

Ценена КОЛЕОПАТРО, мам 17 роки, родзена сом у знаку амеби, и любела бим знац цо ме чека у живоце. Дзекуєм назадок /До рикверцу/

ТАНЯ БОДАЙБУЛО
Веселих Обчекованьох 18
Чантавир

Мила Таньо, тебе, нажаль, гвизди, партизани и ОФК Београди не наклонени у тей мешацовой мени. У дальшим живоце це обчекує твой бувши легињ Михал зоз шекеру за **процмаи**. Не дочекаш виходзене першого "ГЛАСА РЕКТУМА"

Х.М.

ШЛЕДУЮЩОГО ШЕШЛЕВОВОГО ДОБИТНИКА КОТРИ ДОСТАНЕ ЧЕСЦ ПОСТАВИТИ ПИТАНЕ КОЛЕОПАТРИ ВИЦАГНЕМЕ ДОК ЗАЛЄЧЕНЕ !!!

Х.М.



ДР Мартин Шишарка

Д А Ш Е З А С Е Р Е Ш О Д Ш М И Х У

Бешедую двома крадошше, та ше еден пита другому:
 -Дзе идзеш?
 -Треба же бим пошол до банки подзвигнуц пенежи.
 -Идзеш такрй?
 -Не, банка ише отворена!!!

До шпиталу приходзи нови пациент:
 -Маце пижаму?—пита му ше медицинска шестра.
 -Не, мам запалене плюцох !

О.К.

ЧИ СЦЕ ЧУЛИ ЖЕ...

- ...же дакеди на месту Керестурского космодрома була призма на котру индивидуални польопривредни продуковаче/П А Р А С Т И/ привожели цвиклу ?
- ...же дакеди Керестурски поля вообщо не були под асфалтом ?
- ...же на университету Луизияна, ЗАД под диригентску палічку ДР Джонатана Инцеста на швет пришла животиня котра настала зоз крижаньом Алпского козорога и борбеного авіона Ф-16 ?
- ...же чом пси брешу ? Прето же им то вельо легчейше ягод шпиване Ц-дур скали.

Х.М.

ЧИ СЦЕ ЗНАЛИ ЖЕ...

- ...же дакеди людзе не мали жижи и камп приколички, та жили у пещерох
- ...же чловеков мозог ма два половки, але зоз нього вельо смачнейша подгарліна
- ...же Макайова предала на пияцу у Вепровачу 40 вайца и 2 кили кравского сира
- ...же 6. априла 1941. року почало з роботу перше акционерске дружтво водоинсталатерох и електричарох

О.К.

Н А П Р Е Д О К Д О П Р Е Ш Л О С Ц И ! ! !

И сами сце свидомі же ше стари добри часи знова врацаю. Народна музика моцнейша як гоч кеди, у швецце инвазия РОКАБИЛИ музики, пол швета ноши карирани кошулі як цо ношели вамо баби и дїди. Аж и найзагриженши ХЕВИ-МЕТАЛ фани скрацаю длузи власи. "ГЛАС РЕКТУМА" би не бул тото цо в тераз, кед би не бул актуелнейши як гоч котри други новини. Вериме же сце у инвазиї старитетох понабавяли компакт диски зоз старогипетску, Палестинску, Старогреческу або Етрурско-Расенску музику. Вироятне не можеце пречитац тексти зоз омотох, але прето зме ту же бизме рихели и тот проблем. Суперексклузивно вам обявюсме таблічки з помоцу котрих сце годни дешифровац облюбени вам писні и и буц наисце /N.

СТАРОГРЕЧЕСКЕ
ПИСМО

В- Δ
 Γ- 1
 Ε- 3
 ΤΧ- ⊗
 Η- √
 Π- †
 Ϙ- Υ

ЕТРУРСКО-РАСЕНСКЕ
ПИСМО

В- Δ
 В- 3
 Л- 2
 М- 3
 Н- 4
 Ж- 5
 Д- 6

ПАЛЕСТИНСКЕ
ПИСМО

В- Υ
 З- I
 Т- ⊗
 С- 3
 Ц- ⊙
 Γ- 1
 Ε- 2

Телво затераз. Значи надалей не мушице у купатилу гвиздац мелодиї зоз облюбених писньох. Шпивайце их!!!

Х.М.

Е К С К Л У З И В Н И И Н Т Е Р В Ю : ВЕРУНА РАЦ НАДЬ КИШ ПАП,
 Розгварку водзел: ОЛЕГ КОЛБАС ЧИСТАЧКА СТАДИОНА ФК "РУСИН"
 У ПЕНЗИТ

Веруна ма нешка 60 роки и жие у прекрасней жижи на два поверхи зоз кукуричанки и наду. Веруна жие зоз двома дзецими. Кед зме ю замод-
 лели за интервю дзечне пристала. Кед зме сцигли Веруна шедзела оп-
 рез жижи зоз сушедами и кусала магочки.



Веруна

-Добри дзень-привитали зме ю.

-Пуши курац!-весело одвитовала.

Розгварку зме почали водзиц под конком, а Веруна нас понукла зоз пивом и гушеніцами "ГЛАС РЕКТУМА": Цо сце робели скорей як цо сце почали чисциц стадион ФК "РУСИН"?

ВЕРУНА: Ей, сину, робела сом сто работи.

Почала сом такой после войны 1946. року. Перше сом дриляла фурики на роботних ак-
 цийох, а потим сом вожела булдожер, а даке ди и багер, и так 4 роки. 1950. року сом достала роботу у Майдампеку як надпатрач рудокопу. Ту сом упознала и свойого пер-
 шого мужа.

Г.Р.: Потим у вашим живоце шлідзи период чежкого живота и вельких проблемох.

В.: Точно. Тих 60-тих рокох панрвала кри за и то велька, та сом боме мушела робиц як наставніца зоз дзецими котри мали при-
 хильносц гу сдзеню славинох и лампері-
 йох. Чежки часи то були...

Г.Р.: Конечно, 70-ого сце ше запошлели як

чистачка стадиона ФК "РУСИН".

В.: Гей, конечно сом ше скрашела у СД "РУСИН". Давали ми на мешац по пол кромплї и едно гадово яблучко. Була сом задовольна.

Г.Р.: Було вам чежко?

В.: На початку зме анї метлу не мали, та сом мушела зоз власами зам метац трибини, после ми опадали власи та сом заметала зоз тима спод пазухох. Луни од слунечніку сом едла, бо зме не мали анї шмеце, анї шметнік, а траву сом кошела зоз устами. Чежко було, але плаца була добра.

Г.Р.: Як вам тераз ?

В.: Добреми. доставам мешацно 4000 ДМ, возим червени ФЕРАРИ, маме есц.

Г.Р.: Чи и дзеци рушели по вашей драги ?

В.: Марча гей. Ево тераз цага линии по стадиону, кладзе мрежи иджоба корнер заставки пред надзельове змагане против "БАЕРНА", але гевта битанга од Мича лам битангуе, пис и не сце ніч робиц.

Г.Р.: Кельо тераз провадзице бависка "РУСИИ-а" ?

В.: Тераз слабше, скорей баржей. Тераз приведу "МИЛАН", "БАРСЕЛОНУ", "АРСЕНАЛ", або "АЯКС", тими котри вельо заоставаю за одну "КУПУСИМУ", або "ШИКАРУ" и най не чимлім далей.

Почим Веруна рано не чучала зуби т.е. протезу, почало ей так шмер-
 дзиц зоз устох же зме мушели претаргнуц розгварку.

Г.Р.: Дзекусме вам на розгварки и най вам живот будзе як кабел по-
 мийох !!!

В.: Дзекуем и я вам и жадам вам полни жалудок цегелкох и тепихох !

Е П П

ХЛАПЦИ ! ЖЕ БИ ШЕ ДЗВИГЛА ВАША СЕКСУАЛНА АЛАТКА
 ОПАТЬЦЕ ЕРОТСКИ БОК ЧАСОПИСА "ПИОНИРСКА ЗАГРАДКА"

О.К.


ПОЙДЗЕЦЕ ЖИВИ, ВРАЦИЦЕ ШЕ ЗАБИТИ
 ПИКНИК ВИКЕНД НА BROOKLYN-U, NEW YORK CITY X.M.

Бок Ц²=А+Б²

Ф Е Л Ь Т О Н : 250 РОКИ ОД ДОСЕЛЬОВАНЯ НАРОДНЯКОХ
ДО ТИХ КРАЙОХ /3/

СКРОМНИ УВОД: Ви заглупени воз погрешну музику и культуру, не мушице ше шмеяц док будзеце читац тоти шорикки, досц да ше пошкрабеце по глави.

Народняки жили у лесох и горох, и брегох. Чували овци и пекли сла-
ніни и були далеко од цивилизації. На тих просторох дзе тераз Рус-
ки Керестур жили Руснаци, було и Руснацох, а нашол ше и подаєден Ру-
снак. Народняки примитивни народ
хтори припада групи восточно Сла-
вянских народох, настал воз крижа-
ньом двох уж щезлих народох: Анти-
слухох и примитивцох. Народняки
ше перше почали насельовац у ма-
лим числе, приходзели еден по еден
без питаня и допущеня. Але Руснак
утедишні час мал векши бриги як
цо то витребйоване корова т.е. на
родняка, а корово як корово, шири
ше швидко и там дзе го найменш
треба. Руснацом /хтори жию на тих
просторох ище скорей як постала
зем/ була чудна їх неobicна беш-
да котра ше зводзела на розцаго-
ване вокалох, а попри того не була
ані цікава. Народняки не барз зда-
бали на нещкайшого гомосапиєнса, а
мали и барз нїзки коефициент ин-
телигенції. Таки народ не зацикає
вел тедишнього Руснака, котри
бул вельо сучаснейши и духовно
розвитши од тедишнього, а богами и терашнього народняка. Почали ше я-
вляц и перши револти у народзе. На перши запис наиходзиме 1750. року
кед теди визначни Руски филозоф, гуманиста и интелектуалац ХОРНЯК
чукун МИРКО записал шлїдуюче:



Народняк концом XVII вику

Народна музика
чи ест процив ней ліка ?
ТВ сом загашел
бо сом ше престрашел

Опрез очох ми скакаю Джейове и Цеци
альбуми знімаю койяки баби и дзеци
я превентивно затикам уха
инвалидска пензия хто 2 раз преслуха

Риц як кошар, цицки як крава
гоч незна шпивац, вона тота права
народ весели, ту нет цо скривац
стаду волох мож гоч цо шпивац

Тому хиби зуб на правим боку
тота зніма деби-альбум у 50-тим року
того стално рекламираю на телевизії
гоч випатра як да заблукал до
цивилизаций

Припознайце же намесце
мойо критики
иже їх инструментти
можу буц лем мотики
сон каждого правого трешера
медзи народняковима
очми шекера

Пенкало и папер сом влапел
и написал вам тот апел:
НАРУБЦЕ ЛЮДЗЕ КОЛІКИ
ТА ПО ТИХ ЦО ГРАЮ ГАРМОНИКИ

У шлїдующим числе "ГЛАСА РЕК
ТУМА"

ЕКСПАНЗИЯ НАРОДНЯКОХ И ПЕР-
ШИ ЗНАКИ ОДУПЕРАНЯ ПРИ
РУСНАЦОХ

ЛЕМ ЗА "ГЛАС РЕКТУМА" НАШ ВИЗНАЧНИ МУЗИЧНИ КРИТИЧАР ОЛЕГ КОЛБАС ПРАВИ РЕЦЕНЗИЈ КОНЦЕРТОХ ВИЗНАЧНИХ БЕНДОХ КЕРЕСТУРСКОЙ УНДЕРГРОУНД СЦЕНИ !!!§-"%:.=+ /??,%\$\$+ -!!!

Група "ТХЕ ЗМАРЖЛЯК" отримала концерт у Дудашовим дворе. Можемо повесити же "ТХЕ ЗМАРЖЛЯК" бара добре звучи уживо, до було видно и по публики. Було 54 мертвих, 23 полумертвих, док остаток прежил. Ваш репортер бул на лицу места и направел шлїдуючи список:

На пїсню:	Шмерц годзинки Дарвил	12	Мертвих	4	Полумертвих
-II-	Док у меху шеєм шмерц	10	-II-	7	-II-
-II-	2 герлічки и 3 затички	15	-II-	10	-II-
-II-	Шема блок мотора	9	-II-	1	-II-
-II-	Моментално мертви	8	-II-	1	-II-

То лем початок сезони концертох на Керестурской РОЦК сцени, але "ТХЕ ЗМАРЖЛЯК" указал свой квалитет и загрожел рекорд котри прешлого року поставела група "ТРОМАЗНИ ГОЛУБИ", хторим актуелни рекорд зоз концерта на Малацковим пойдзику дзе було 67 мертвих и 27 полумертвих. Док обчекуеме нови рекорд, наявусме концерт групи "ШМАТИ У РАЙБАЧКИ" котри ше отрима на пондзелок.

Ф Л А С Х Н Е В С /Но то було брїшко/

-Група "РОСА" видала нови ЦД котри ше вола "Шмейме ше и утикайме до струї"

-Популарна кантавторка ИРИНА одложила свою турнею по Скандинавиї, пре преганячку

-У заходней Рускокерестурской покраїни Циглашор, розвива ше нови напрям у музики, котри ше вола СУНЬОГОВО КИХАНЄ. Типични представниїки напряду состави "ЦЕГЕЛКИ", "КОПОЧКИ", "БЕГЕЛЬЧИК", "ГЛІВОКА ДУМКА" итд.

-Дует "ДАНИЛ+ДАНИЛ" ше розпадул после длугой и богатей карїєри
О В Е Р

О.К.

РЕКТУМИЗМИ /Зоз малого мозга/

1. ХТО ГВАРИ ЖЕ КЕРЕСТУР ВАРОШ БЕЗ ПОД'ЕМЯ !?! А ТЕМЕТОВ ?!?
2. ГИБАНИЦА ПЛОБУРЕК ПРАВОСЛАВНЕЙ ВИРИ
3. КУРЯЧКА ТО ЖЕНА КОТРА КОРИ
4. ЧОМ НА МУРЕ ПИШЕ МИКОЛА+МАРЧА, КЕД ШЕ ЛЮДЗЕ МНОГА А НЕ ЗДАВАЮ !?!
5. КОЛБИ, ТО ПАШТЕТА ЗОЗ КАШАЯ ?
-НЕ, ЗОЗ ШВИНТ !!!
6. У ШАХОВСКИХ ПАРТИЙОХ УГЛАВНОМ ПОБИВАМ КЕД БАВИМ ЗОЗ КОНЬОМ

Х.М.

Е П Е П Е

ЗА МАСОВНУ ЛИКВИДАЦИЮ ЛЮДСКИХ ЖИВОТОХ ЗА РАДОСЦ ШИЦКИХ НА ПЛАНЕТИ
НАИНОВШИ АЛБУМ "ПИЛОТОХ" КУПУЙЦЕ "СМАРГЕЛЬС" КАСЕТИ

Х.М.

О.К.

ОГЛАШУЙЦЕ У "ГЛАСУ РЕКТУМА" КЕД НЕСЦЕЦЕ ПРЕДАЦ СВОЮ РОБУ, КЕД СЦЕЦЕ НЕУСПИШНО ГАЗДОВАЦ ЗОЗ ФИРМУ И КЕД СЦЕЦЕ ТОТАЛНИ КОЛАПС ВАШЕЙ ФИРМИ АБО ПОДПРИЄМСТВА, УПЛАЦЕ ВАШ ОГЛАС ДО "ГЛАСА РЕКТУМА"

О.К.

НЕСТАЛ ЧАРНИ МЕРЦЕДЕС ЗОЗ ЦЕНТРА БЕОГРАДУ
ПАЙ ШЕ ЯВИ ПОШТЕНИ ВЛАСНІК ЗОЗ ДЕВИЗНУ НАГРАДУ
ЕФИКАСНІЙША ОД КАЖДЕЙ ТЕРАПИИ
МАСАЖА З ПЕНДРЕКОМ МУП-а СЕРБИИ
ГЛУПОСЦИ, ШМИХИ ИБУДАЛАШТИНИ
ДРУГИ БЕОГРАД, ПРЕНОС СКУПШТИНИ

Х.М.

Х.М.

ЗОЗ ШВЕТА МУЗИКИ ЛЕМ ЗА ВАС

ГЛИБОВАЦ, 27.12.1995.

На свој велькей цветовой турно, перши вокал нешкашей сцени, мега-стар МИРОСЛАВ ИЛИЧ нашивел и Глибовац при Смедеревскей Паланки. Редакция "Гласа Ректума" присуствовала и тому спектаклу. У прпол-

кей сали локальной месней заед-
ниці, назберало ше даскельо дзе-
шатки фанох. На бину виходзи
предгрупа "ORANIKE AIR-MAH "
Презентовали нам свой материал
зоз деби албума "ДО ПОСЛЕДНЕГ
ХЕКТАРА". Добра мюза розрушала
младих Глибовчанох и щешлѣвцох
котри ше успели дограбиц до
уходницох. Одлична увежбаносц
и добри сценски наступ нікого
не охабели равнодушного. У пав
зи ше зоз розгласу чуе музика
Тозовца, Бори Дрлячи, Иована Пан
тича-Смедеревца. Гаца ше шве-
тла. Тензия нагло рошне. Чуу
ше початни такти писні "ЕСЕН Ё
ПЛАКАЛА С ТОБОМ". Шветла ше
паля, на бину вибегуе Мирослав.
Випатра, а и шпива лепше як гоч
кеди. Розглас перфектни, гайди
и гармонники гласни до болю.
Паля ше монитори на бини зоз
мотивами Шумадинских оранінох.

Публика у екстази, **MOSHING** и
STAGE DIVING на шицки боки. Обезпечене ма полни руки роботи зоз
громаду маси котра ше пендра на бину. Далей слухаме "СМЕЙ СЕ СМЕЙ"
и "НАЛЮТИЧЕШ МЕ ТИ", Мирослав як ураган бега з конца на конец бини, и
токонец официальной часци. Публика гляда бис. На бину Мирослав ви-
ходзи зоз Брену и слухаме "СДАН ДАН ЖИВОТА". Публика попадала ягод
Шваби на Сримским Фронту. То бул и конец концерта. Наисце же кадзи
Мирослав прейдзе, там трава не рошне. Обезпечене го одводзи и заци-
од публики котра сце голем автограм або квадратни милиметер його
народного облечива. Бул то еден зоз найлєпших концертох котрому я
присуствовал. Не препущце його наступи у Силбашу и Чортановцох, бо
ше после тих наступох враца назад до Америки, и хто зна же кеди му
ше знова дзвигне же би нас нашивел.

Шутка у перших щорох
публики

РЕПОРТЕР: ХОРНЯК МИРКО-КОЛЕ

Е П П

НАИВЕКШИ НАРОДНЯЦКИ ЛИТИ
ШИЦКИ ШОРОМ ШМЕРДЗАЦИ И ЗГНІТИ
ТО БИ НЕ МОГ ВИСЛУХАЦ АНУ ВАШ ПЕС
ТУРБО, ОПАНАК ФОЛК КОМПІЛАЦІЯ
НГП РТС
Х.М.

КЕД ВАМ УМРЕ ДАЯКА МИЛА ОСОБА,
ПОКОВАЙЦЕ Ю ДО НАШОГО ГРОБА

"ДРАГА ДО РАЮ" - Гробарске
подприємство Кула

О.К.

КУПУСИНА, 01.01.1996. /Суперексклузивно/ 20
На Купусинской магистрала, вчера коло 19²⁰ годзин случело ше четке транспортне нещесце, кед гайзбан зоз напрямую Руменки не меркуюци прешол на лѣви бок и налцел на путнїцки авто Липарской регистрації ЛИ 213-69. Погинули Индира и Раджив Ганди у атентатох, док покалїчени Деян Савичевич, котри вироятне не годзен бавиц на недзелю першенствене змаганє процив Ювентуса на Сан Сиру. Х.М.

Н А Г Р А Д Н Е Б А В И С К О

Почитовани читаче "Гласа Ректума", уж од першого числа нашо новини вам даваю нагоду же бисце достали дасдну од вредних наградох. Пропозиції: Ваша длужносц лем одвитовац на едно питанє, потим одвїт /написани на паперу/ пошлєце у писму, лебо дописници, лебо пакету, лебо камиону, авиону, ладї, цепелину, балону итд. на нашу адресу:
КОЛБАС ОЛЕГ АБО ХОРНЯК МИРКО
Петра Ризнича 2 Сопки Йовгеца 42

25233 РУСКИ КЕРЕСТУР

И то вам цала мудросц.

НАГРАДИ:

3. НАГРАДА: ~~МВ~~ Место на Керестурским теметове док умреце плус бесплатна служба СОНЗОР: Керестурска Парохия
2. НАГРАДА: 7 ролни ВЦ паперу у дугових фарбох
СПОНЗОР: Друкарня "БОРАЦ"-Кула.
1. НАГРАДА: Едно ретардиране дзецко
СПОНЗОР: Акушерска клиника Београд
Седмодньове зимованє на широким
СПОНЗОР: Р.К. ТУРС
Робота як сезонац у "АВЦ" хладзальнї за сезону 1996/97
СПОНЗОР: Ян Боцка

Питанє глаши: К Е Л Ь О Г О Д З И Н ? ? ?

Намесцене вицагованє ше окончи кеди-теди у порсторийох редакції.

О.К.

П О Р О Б Ц Е С А М И

Купели сце бумеранг котри ше вам як и кажди не враца назад. "Глас Ректуму" вам помогне же бисце рїшели тот проблем, и научели ваш бумеранг же би ше вам врацел. До котна положице дотични бумеранг. Додаце пол литри дестилованей води, три шерси зоз тромешачней коали розрезани по длужини. Шицко тото препражице на благим огню 14 мин и 49 сек. Спрам смаку додаце очи зоз наука "Чарна Гдовница" и єдну ложичку вегѣти. Так зготовени бумеранг розпрештреце на паньвашиц под час полного мешала на 23⁴⁷ годзин, видзеце на двор и, - 92 раз повторице /КЕД ВАС НЕ МЕРѢИ/ магичне слово ЯИГОЛОГНИРАЛОНИ2 РОТО, и бумеранг однєшеце на теметов. Пойдзєце по ньго ютредзєнь. Попробуйце руциц бумеранг и вон ше вам сигурно враци. Кед же ше то не случи купце себенови, по могучносци исправни.

Х.М.

Е П П

ЖЕ БИСЦЕ НЕ ПОУМЕРАЛИ ОД ГЛАДУ НА НАШ ОДПАД РУЦАЙЦЕ ШМЕЦЕ
ВИЛІЗУЙЦЕ КОНЗЕРВИ З НАШОГО ОДПАДУ ДА ОКОЛІСКО НЕ ЗАГАДЗУЄЦЕ

Секретарият Керестурского одпаду

Х.М.

О.К.

КУРСНА ЛІСТИНА ТОГО ЦО НАМ ОСТАЛО ЗОЗ БУВШЕЙ ЮГОСЛАВИЇ

ДЕРЖАВА	ВАЛУТА	КУПОВНИ	ПРЕДАВАЮЦИ	ШТРЕДНІ
Сербия	1 пртензия	шицко доставаю задармо	предаваю територіі	штрдне жалосни
Горватска	1 франяк	купую терторіі	предаваю фодбалерох	штрдне жалосни
Войводина	1 войводинар	вибеженцох не купую, а маю	даваю за-дармо	штрдне жалосни
Чарна Гора	1 кубура	купую роботнікох, безуспишно	предаваю директорох Сербіі	штрдне жалосни
Б и Х	3 000 000 букви	купую оружје и розума	предаваю молгу	штрдне жалосни
Косово	2 000 000 сепаратистрх	купую оружје	предаваю сунечніку и магочки	штрдне жалосни
Херцег-Босна	1 твртко	купую Баня Луку	предаваю ше медзисобно	штрдне жалосни
Република Сербска	100 000 профитерох	купую 1-ого политичара	предаваю територіі	штрдне жалосни
Словения	1 м ²	купую половних кошаркашох	предаваю ше до Австріі	штрдне жалосни
С Ф Р Ю рекапитулация	22 000 000 идиотох	можу розпредац шицко, але длуста не виплаца	не купую ніч жию од хуманитарней по-моци	2 м/с южно просто до пекла

Звит зоз берзи: ХОРНЯК МИРКО-КОЛЕ

ВИБОР ГРАФИТОХ ЗОЗ ЦИГЛАШОРА

1. Висип гной на стол та ци мухи вецей ██████ не буду злетован на едзене
2. Еротика литература котра ше чита з одну руку
3. Лепше активни нешка як радиоактивни ютре
4. Стари рибаре не умераю-вони лем так пахню...
5. Шицко ма свой конец, лем виршла ма два конци
6. Хто шедзи у предавальні дзе ше предава порцелан не треба же би по ней розруцовал слони
7. Лепше 6 годзини у школи, як не спац вообше
8. На швецце ест лем два ствари котри шмердза як риба, а една од нїх то риба
9. Кеди год попатрим на женски перша-видзим дупло
10. Кед почувствуем потребу за роботу, шеднем и причекам же би напад прешол

Превед и порихтал О.К.

Е П П

НЕ ПОПИЛ СОМ ПОГАР МЛІСКА
И СИГУРНА ШМЕРЦ МЕ ЧЕКА
Сомборска млечара

Х.М.

РОЗИШЛИ СЦЕ ШЕ ЗОЗ СВОЮ ЖЕНУ
РОЗЧАРОВАНИ ШЕ ЗАДАВЦЕ У НАШИМ

БАЗ ЕП

ЛИТЕРАТУРА

БАЛЄЗІАНС

У тей рубрики будземе обявйовац поезию познатих Руских писательох. З оглядом же то перше число "ГЛАС-а РЕКТУМА", з тей нагоди обявйме по два /2/ писні познатих авторох МИРКА ХОРНЯКА и ОЛЕГА КОЛБАСА. З оглядом же вони /МИ/ двома главни и єдини инайлєпши инайкрасши и наймудрейши и найплеменитши итд. редакторе "ГЛАСА РЕКТУМА", ані не чудо же ше праве їх писні нашли у таких значник за будучносц планети жеми, розвой социялистичного дружтва и индустрию Гранатох вообщє, новинох. Зоз Хорнякового опусу обявйме 2 писні инспировани зоз служєня воєного року, док зоз Колбасового опусу видвоїме 2 писні алкоголичарского характеру. Кєд у читанкох за основне або штредє образованє найдзеце даєдну зоз тих писньох, явце найблїжшей станїци милициї, або нам пише на общеанонимну адресу редакциї з цильом же би зме глєдали авторски права и змоцньованя нашей финансийней ситуациї. Дєкуєме назадок.

О.К.+Х.М.
не фраср и
фрасрка

Х О Р Н Я К М И Р К О

НОЦНА ЗМЕНА

Вонка жимно и допито як у гробу
лаєм армию, державу и Слобу
место же бим шнїл морїо и плажи
я препадам и гнїєм на стражи
да не цма читал бим даяки кнїжки
у досади сам себе пердзим до хижки

Три пополноци, нікого вонка
цо тераз роби моя Фебронка ?

Чи бим бул наисце зраднїк оцовщини
кед бим остал здихац тоти 2 годзини
вироятне бим ше змарзнул и да сом у бунди
з пушку забивам минути и секунди
три досадни пси розцагую здохлїни
окрем мнє вони живи єдини

3¹⁹, нікого вонка
цо тераз роби моя Фебронка ?

Кельо єст годзин пробуєм оцєнїц
благословени тот цо ме придзе заменїц
не шмєм заспац бо длужносц вола
ходзим безцильно и булїм доскола
не брига ми гоч дахто спалї магацин
лем най ше цо скорєй назад спац врацим

7 до 4, нікого вонка
цо тераз роби моя Фебронка ?

З далєкосци чуц одгук народняцких сраньох
и у лєшику драє 7 килових патканьох
дакус далєй на теметове
ище вше шицки мертви, знци нїч новє
умерам од досади, барз ми ше пишка
найблїжши объект-стражарска хижка

4²³, нікого вонка
цо тераз роби моя Фебронка ?

Недалєко ше явяю силуєти и
шушканє
и я и пушка порихтани на
сцєканє
кто би могол исц, стварно ме
мучи
озда не же ше чудо случи?
змена стражи, такой сом саднул
випатра ше Бог и на мнє ~~мнє~~
здогаднул

5 годзин рано,
я идзем спац гоч швита
вонка
и БОЛІ МЄ КУРАЦ ЦО
РОБИ МОЯ ФЕБРОНКА !!!

НАЙ НЕ ОСТАНЄ МЕСТА

З нагоди 250 рочнї-
ци присєлєня Русна-
цох до тих крайох,
даєдни городи нам
указали чесц и пре-
менєли мєна. Так же
ше од нешка Босан-
ски Шамац вола БО-
САНСКИ ПШАМАЦ, Баня
Лука КУПЕЛЬ ПРИСТА-
НІЩЕ, а главни город
Филипинох Манила ~~ДА~~
ПОРВАЗОК. Дєкуєме
им од предней шерцо-
вей предкомори.

Х.М.

Бок ище лєм дакус

НЕ ЄБЕМ ВАС

Хорняк, намесц галер на кошулі
Хорняк, до кухні чисциц цибулі
Хорняк, поздравяй старшого водніка
Хорняк, остав на рибане ходника

Хорняк, у строю ше не огляда
Хорняк, цо ми ше ту влечеш як баба
Хорняка огваряю и його класичи
Хорнник, чом ши поручніка послал до пичи

Хорняк, знова ши необривтвени
Хорнник, ти наисце идиот, чи ше лем правиш страцени
Хорняк, тебе болї курац за цали швет
лем за Хорняка остав на гуштеров лет

Хорняк прецо ши не орибал кеняру
Хорняк, гутори ше "Розумим десетару"
Хорняк дежурни, Хорняк пожарни
Хорняк, я режем курац кед ти нормални

Хорняк, прецо ци чижми не чисти
Хорняк ше без шапки шейта по писти
Хорняк, цивилни ботоши не мож ношиц
Хорняк, паперики позберац и траву покошиц

Хорняк, заший гомбичку на лїве плєцо
Хорняк, знова ши не бул на физкултури, прецо?
Хорняк, ти не знаш гажиц строяка
Хорняк, воз це немогуше направиц вояка

На шицко тото одвитовац просто
НЕ ЄБЕМ ВАС ЛЮДЗЕ 1% !!!

КОЛБАСОЛЕГ

ОДА ПИЦУ

Писме кед не треба и кед ше муши
писме дома, писме у госцох
писме кед дахто умре, за покой души
писме и на рижних святочносцох

Писме кед маме лови и кед ше гребеме
писме кед нам дам даю и кед сами береме
писме кед копеме, ореме, шєме лебо коламе
гоч як обрациш, гоч цо робиш, ми лем писме

Пице не обовязне, пице заразне
пице дакеди опасне, але битне же є красне
пице ше не пита яка клима, пице часто одніма
пице ма алкоголу—то му предносц над кока-колу

Од пица шпиваме, од пица руцаме Од
од пица вещей розум не маме
и тото мало мозгу цо зме од бога добили
и тото зме препили

Пию обични, пию интелектуалци
пию аматере, пию профєсионалци
пию школяре, пию школярки
пию за динари и пию за марки

Кед пиєме, значи же жиєме
кед пиєме-значи иснуєме
кед пиєме, часто ше шмееме
кед пиєме длуго дому идземе

Пиєме за шанком и спод шанку
пиєме жалосни, пиєме щешлїви
кед би не було пица, не могли би зме правиц пианку
прето попиєм ище єдну док сом живи

ЯК ПРЕПИЛ ПЛАНЕТАРНИ СИСТЕМ

Була єдна фодбалска екипа зрз Стапара
котрим спонзор була АПАТИНСКА ПИВАРА
бавяче були нон-стоп зоз пивом наляти
та тим не приношел жадани резултати

Тренер бул очивисно застарани
але и вон на змаганя ходзел пиани
почим и управа у алкогаличарскей атмосфери жила
не витримала длуго та и вона препила

Навияче видзели же их бавяче магарча и райбу
та од управи клуба заплєнєли гайбу
гайба по гайба-попили пива полни камион
пофришко и навияче ходзели пиани на стадион

Так почала пиц и цала општина
зараза ше пренєсла и до места сушєдного
пофришко пиана була и цала Войводина
вєцєй ши не могол наисц на трєзбого

Пренєсло ше то и на узшу Сербию
а потим и на Косово и Метохию
кед видзели сушєдни держави же Югославяне добре жию
кед можу Югославяне, чом вони най не пию?

Обачела Заходна Европа же як стоя ствари
почали и вони пражнїц фляши и погари
помали ше то пренєсло на шицки континенти
у нажераню людзе постали апсолвенти

Прилєцєли Марсовци на своїх ракетох
и рознєсли алкохол по шицких планєтох
и так пре єдних пианїцох фодбалєрох
АЛКОГОЛ ШЕ ПИЄ ПО ШИЦКИХ ХЕМИСФЕРОХ

Було то нашо литературне балєзганє. И ви нам можеце посилац своєю
дїла, але вам их, нажаль, сигурно не обявимє исто так як цо и нашо не
сцу обявиц у часопису "РУСКЕ СЛОВО", а вони то, реално, заслужую. Х.М.

Е П П

ГИБАЙЦЕ НА МОЈО ХОВАНЄ
ОБЕЦУЄМ АЛКОГОЛ, МУЗИКУ И КАРАНЄ
О.К.

СКУДНЄЦЕ НА ДЗЕНЬ ДАС ЗО КИЛИ
ЛЕМ ЄДЗЦЕ "БИОМЕД", ГЛУПИ ДЕВИЛИ
Х.М.

МАРЧО, ЧОМ ШИ СЦЕКЛА З НАШОГО ЛЮБОВНОГО ГНІВДА
Я ЦЕ ЛЮБИМ, А ТИ ТАКА ПИЗДА

Залюбєни Мижо О.К.

ПРЕДАВАМЕ ВОЗДУХ ЗА БАЛОНИ
И РУКАВИ ЗА ПАНТАЛОНИ
Агенция "ПОШТЕНО"

КУПУЙЦЕ ПАЛЄНКИ
ОД ГУЗДЕРОВЕЙ ГЕЛЕНКИ

КРАДНІЦЕ ТУРГУНКИ
ОД ИЛКОВЕЙ ВЕРУНКИ

Х.М.

Х.М.

Х.М.

Х.М.

ХОРОРСКОП

Дежурни астролог:
ХОРНЯК МИРКО
КОЛЕ



БАРАН /21.03.-20.04./

Не ма ніякей вязи зоз звичайним Руским презвиском. Хасновита домашня або дзива животиня котра не дава млека.



БУЯК /21.04-20.05./

Кравов муж, брат, оец, дідо, прадідо, чукундідо, сушед, братняк, шовгор, швекор. Спада до шору рогатого статку. Свята животиня у даедних жемох, але то не значи же дава млека.



ДВОЙНЯТА /21.05-20.06./

Дзеци котри од истей мацери, родзени истого дня. Можу буц едновачни але не муша. Исную двойнята, тройнята, седмернята, 119-цецернята итд. Углавном не даваю млека але ходза по млеко до Бучка 2 раз до тижня по 1 1/2 литри.



РАК /21.06.-20.07./

Водена животиня зоз шора лупкарох. Мож го найсц и у Керестурским бегелю. Людзе го хасную за костиране, а я ше од нього боїм бо зна ушипнуц, и не дава млека.



ЛЄВ /21.07.-21.08./

Верховни командант животиньскей монархиї, страх на валале и у джунгли. Зоз фамилиї є мацкох, гоч ані найменей не здабе на Владового кандура. Ані царска коруна на глави му не дава протекцию же би давал млека.



ДІВИЦА /22.08.-22.09./

Дзівка або жена без сексуалного искуства у своїм живоце, зоз вельо невхаснованима нагодами. У Керестуре ше тот проблем ришує под час ноци першомайских шветох. Дзівка под час кед є дівица не дава млека, а далей завиши.



КИЛАШИ /23.09.-22.10./

Звичайно неточна справа наменена за окрадане наивних купцох и за меране маси роби /не чежини бо ше вона жмера у килограмох, але у нютнох/. Не ма ані найменшу могучносц даваня млека.



ШКОРПИЯ /23.10-22.11./

Пустиньска животиня котра ані под ставку "рижне" не спада до фамилиї батощкарох и парамециумох. Не знам чи ю людзе хасную за костиране, але я ше од ней боїм бо зна ушипнуц, адаедни гадоти знаю буц аж и отровни. Млека не дава.



СТРИЛЕЦ-СНАЙПЕРИСТА /23.11.-20.12./

Снайпериста /у старших хорорскопох стрилец/ то еден племенити бачи котри шедзи звичайно на древе або церкви, и зоз невиних цивилох прави прешлосц. Зоз своїма краснима поступками зменшує пренаселеносц планети жеми. Гоч є яки добри, млека не дава.



ЦАП /21.12.-19.01./

То ані случайно нетот Цап цо бива на Маковским обок при Югасовим. Гоч Цап /21.12.-19.01./ и Баран /21.03.-20.04./ маю вязи зоз Югасом котри их чува, то заш лем сушедна гемисфера, чийо гвизди не маю вязи зоз нашим хорорскопом. Цапа гоч обрациш най стої на глави, млека не дава.



ВОДОЛЄЙ /20.01.-18.02./

Водолєй палеолитски предок нешкайшей фонтани, чесми и мочевого ме-хира. Воду лєє, а лє млеко нїгда.



РИБИ /19.02.-20.03./

Водени животинї котри маю характеристику же шмердза живи, а шмердза и мертви. То една з причинох чом не даваю млека.

П.С.



КЕД СЦЕ ЗОЗ ПРИЛОЖЕНОГО ЗАКЛУЧЕЛИ ЖЕ ХОРОСКОП КРИМИНАЛНО ГЛУПИ, У ПРАВУ СЦЕ. ГЛУПИ Є ФАЛЄ НІЧ МЕНЄЙ АБО ВЕЩЕЙ ЯК КАЖДИ ДРУГИ КОТРИ МО-ЖЕЦЕ ПРЕЧИТАЦ У ГОЧ КОТРИХ НОВИНОХ. ТО ИНШАК ЛЕМ ЗНІЩЕНИ ФАЛАТ ПА-ПЕРУ З КОТРИМ ШЕ РАЙБЕ МОЗОГ И ОДНІМА ПЕНЄЖ НАИВЧИНОМ. МОЈО ДУМА-НЄ ЖЕ БИ ШВЕТУ БЕЗ ХОРОСКОПУ, БАШ НІЧ НЄ ХИБЕЛО.

Х.М.

К Р А Т К А П Р И П О В Е Д К А АВТОР: ОЛЕГ КОЛБАС

Б А Н А Н О В А Ч О К О Л А Д К А

Бул раз єден краль и мал трох синых, дзивку и компютер. Раз ше дзивка шейтала по робней жижи, кед одразу прилезел вельки, страшни, баўсати орел и однесол дзивку на верх найвекшей гори. Застарани краль так гварел своім сином:

-Хтори од вас пойдзе на верх найвекшей гори дзе жиє вельки, страшни, баўсати орел, и враци мою милу дзивку назад, достанє бананову чоколадку!

Синове ше розбегли виратовац свою шестру. Найстарши син шеднул до оклопного транспортера котри мал найсучаснейше наоружанє за тот час. Штрєднї брат шеднул до геликоптера зоз автоматским вируцованьом ракетох, а наймладши шеднул на коня, и вжал свой меч. Перши сцигол найстарши брат. Док ше пендрал на верх отпадул му єден шрубик, та ше мушел врациц. Вєц сцигол брат на геликоптеру, и док ше пендрал на верх нестало му цигари, та ше мушел врациц до самопослуги купиц паклочки "БЕСТ-а". Наймладши брат ладно сцигол на коню по верх, и гварел орлови:

-Сцєм свою шєскру назад!-

-Достанєш ю лєм кед побєдзиш у борби! - гварел орел.

-Важи-гварел наймладши брат.

-Важи-гварел орел, и винял шаховску таблу.

-Виберай, били чи чарни?

-Били!

И так почали бавиц, медзитим, наймладши син му дал мат у трецим поцагу, и орел од ганьби одлезел на Сибир же би го нїкто не видзел. Вєц наймладши син привєд домудзивку, и оцєц му купєл бананову чоколадку, котру вон поєд сам и недал братрм ані фалацик, гоч вони питали. Оцєц поволал синых та им гварел:

-Наздавамше же сцє вицагли поручєнє: НЄ СЦЄРАЙЦЕ ПРАХ ЗОЗ БАНАНОВУ ЧОКОЛАДКУ, БО ВАМ ЗУБИ БУДУ ЖЕЛЄНИ ЯК КОНЬОВА ПЕЧИНКА КОТРУ КРАВА РУМЕГА И ПОВРАЦА ПСОВИ ДО ПАНКРЕАСУ !!!

О.К.

Бок

IN MEMORIAM

IN MEMORIAM

IN MEMORIAM

IN MEMORIAM

Живот бере лем найлешше
тото знаце и ви сами
найвирнейши мой товариш
нажалъ вецей не медзи нами



Б У Ц О
/ 1992 - 1993 /

Бдол и кед не бул гладни
тото зоз животрм плацел
пошол краднуц мой пес Буцо
нигда вецей ше не врацел

Бу найлешши, бул найкрасши
стално гребал та бул гадни
чувал виковни огніска
Буцо шмели, пес досадни


Зрепегал нам шицко квеце
зоз каждим псом бул у звади
ані еден пес агресор
не мал приступ гу загради

Бул визначни член обисна
нет тей кури цо му сцекла
бул добри лем зберал вайца
та прето пошол до пекла

Поведз, Буцо, хто це забил
будзе криви обещуем
ликвидирам я злодія
твою шмерц не пребачуем

ТВОЙО НАЙМИЛШИ: Коле, твоя
мац котра без мена, и твоя
шестра Стево. Р И П

Обвисцуеме родзину, потомкох
родзину, товаришох и сушедох
же ше наверху жалосни, чежки
и зоз слизами полни 4,5 ми-
лиони роки одкеди нас занав-
ше напущел наш мили и нигда
прежалени



ПИТЕКАНТРОПУС

Дня 10.01.19967 нащивиме
його фосилни остатки у Юж-
ней Европи, Централней Афри-
ки и Юговосточней Азії и
положиме квеце на його па-
леолитски на ходзиска

ЗАНАВШЕ ТВОЙО: Австралопи-
текус, синантропус, Атлантро-
пус, Хомо-сапиенс и Неандер-
талец

Обвисцуем шицких товаришох
сушедох и родзини же ми здо-
хол мой наймилши ИМТ-981.
Трактору мой наймилши, чом
ци крепал карбуратор баш
тераз кед ми будзеш найпот-
ребнейши за глібоке оране?
Длугоки гони и вельо гольти
були пред нами.
Жалосни Микола зоз Маковс-
кого

СПОРТ СПОРТ СПОРТ СПОРТ

**РЕЗУЛТАТИ 29. КОЛА БАЧКЕЙ БЕТОН ПРОФЕСИОНАЛНЕЙ ЛІГІ /ББЛ/
ЮЖНА ДИВИЗИЯ**

Руски Керестур Дринкс-Кривая Паорс	129:120
Зомбор Парплс-Бечей Куцикс	93:96
Апатин Пивс-Червинка Хробакс	82:76
Крушич Фармс-Оджак Дебилс	49:62
Пиньвиц Блуз-Сентомаш Калікс	73:83

СИВЕРНА ДИВИЗИЯ

Суботица Бувлякс-Каніжа Цегелкс	82:79
Баймок Сушинкс-Жедник Ботошс	102:104
Кисач Донгове-Чантавир Пчолкс	92:101
Бачка Тополя Курячкс-Хоргош Бензинс	87:60
Станишич Селякс-Гайдобра Колікс	50:51 /Претаргнуте/

КОМЕНТАР КОЛА:

Дерби кола у южной дивизии одбавени у Руским Керестуре, дзе ше стретли Р.К. Дринкс и Кривая Паорс. Дринкси трацели до пред сам конец змаганя, а вец 2 минути пред конец змаганя центр Паорсох зодар колсно у дуелу зоз Жегарцом, та напушел терен. Домашни вецка рутински сцигли а потим и пресцигли предносц госцох. У Сиверней дивизии дерби медзи Станишич Селяксами и Гайдобра Коліксами претаргнути у 26 минути при резултату 50:51 за Коліксох, пре красну хвилю. Змагане одложене потамаль покля ше хвиля не погорша.

O.K.




К Р О С

Нешка у Р.Керестуре отримани крос на котрим участвовали шицки класи основней школы и гимназии. "ПЕТРО КУЗМЯК". Професоре физичного у основней школы добре порихтали стажу, и порихтали рижни препреченя як цо то живе блато, мини, викопани вельки дзири котри на сподку мали позадзобовани коліки итд. Нажаль, ані того року ше ані одному основцови не удало войсц до цилю. Цо ше гимназиялцох дотика, ту една школярка несподзивала и сцигла перша и єдина до цилю. То була Терезка Тиркайлова, Треба наглашиц же успех Тиркайловой самим тим же на трасу попри постоянних препреченях за гимназиялцох ище додати: Летацци шекери, крокодили, отровни гади, и поцагани дроты през хтори переходзи струя барз високого напруженя. Терезка за перше место доставла диплому, плазма кекси, "ШОК" жувача и петицу зоз физичного.









O.K.

Терезка Тиркайлова

ГРОМОДРВ ИИ ЛИБЕ



ЭТО ОН...



IS BEST STORY
OF ГРОМОДРВ

THE END

AUTOR : Medo
DESSIN : laurisa

Rectum
Voice

WARNING !!!

This is not a "Пшучок Пшфко"!!!

Глас
ректума



1996

Vadi

na vreme!

Януар

П	В	С	Ш	П	С	Н
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

Май

П	В	С	Ш	П	С	Н
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

Септембер

П	В	С	Ш	П	С	Н
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

Фебруар

П	В	С	Ш	П	С	Н
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29			

Юн

П	В	С	Ш	П	С	Н
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

Октобер

П	В	С	Ш	П	С	Н
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

Марец

П	В	С	Ш	П	С	Н
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Юл

П	В	С	Ш	П	С	Н
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

Новембер

П	В	С	Ш	П	С	Н
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

Април

П	В	С	Ш	П	С	Н
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

Август

П	В	С	Ш	П	С	Н
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

Децембер

П	В	С	Ш	П	С	Н
						1
2	3	4	5	6	7	8
9	10	11	12	13	14	15
16	17	18	19	20	21	22